



UNIVERSITÄTS-
BIBLIOTHEK
PADERBORN

Universitätsbibliothek Paderborn

**M. Adami, Scriptoris Vetvsti, Historia Ecclesiastica,
Religionis Propagatae Gesta, Ex Hammabvrgensi
Potissimum Atque Bremensi Ecclesiis, Per Vicina
Septentrionis Regna**

Adamus <Bremensis>

Helmetadi[i], 1670

XXII. Diploma Henrici IV. De Comitatu Bernhardi In Pagis Emisgoa,
Westfala Et Angeri.

urn:nbn:de:hbz:466:1-11096

incultas, comitatus, mercatus, monetas, thelonea, cum omni utilitate quæ describi, vel quoquo modo inde provenire poterit. Et ut hæc nostra regalis traditio stabilis & inconvulsa per succedentium momenta temporum permaneat, hanc chartam inde conscriptam, manu propriarum ut infra videtur corroborantes, sigilli nostri impressione jussimus insigniri. Data est V. Kal. Iulij. Anno Dominicæ incarnationis M.LXII. Indictione I. Anno autem ordinationis Domini Henrici IV. Regis VIII. regni vero VI. Actum Alstedij in Dei nomine feliciter, Amen.

XXII.

DIPLOMA HENRICI IV. DE COMITATV BERNHARDI IN PAGIS EMISGOA, WESTFALA ET ANGERI.

Mentio
hujus fit
ab Adamo
lib. 3. c. 30.
pag. 101. &
lib. 4. c. 6.
pag. 113.
Vide &
donatio-
nis hujus
confirmati-
onem su-
pra Num.
XIX.

IN nomine Sanctæ & individue Trinitatis, Henricus divina favente Clementia Rex. Cum regie dignitatis sit: jus cuilibet servare suum, præcipue tamen ecclesiastica jura nobis observanda videntur, quia si peccandum, tolerabilius in hominem quam in Deum, si non peccandum, reverentius tamen Deo, quam hominibus obsequendum. Nos quidem patrum præcedentium vestigia imitari optantes, augere bona Ecclesiastica, aucta retinere, nostroque in quantum possumus patrociniò tueri debemus, quatenus nostra tenera ætas ad virile robur anhelans, promoveri sperans, & dandi in Deo gloriam assequatur, & data inter homines confirmandi gratiam non amittat. Vniuersis igitur sanctæ Dei Ecclesiæ nostrisque fidelibus, tam futuris
quam

quam presentibus notum esse volumus, qualiter Dominus Adalbertus sanctæ Hammaburgensis Ecclesiæ Archiepiscopus, patronus & fidelis noster, clementiæ nostræ serenitatem adiit, supplicando, quatenus eidem Ecclesiæ, quæ est in honore sancti Salvatoris ejusque intemeratæ genitricis perpetuæ virginis Mariæ, & beati Iacobi Apostoli consecrata, comitatum Bernhardi Comitis daremus in proprium. Vnde ad promerenda patriæ cælestis gaudia, & ad prolonganda sub divina semper defensione nostræ vitæ curricula, & ad explendam nostrorum petitionem fidelium, videlicet dilecti magistri nostri Annonis Archiepiscopi Coloniensis, Sigifridi Archiepiscopi Moguntini, Burchardi Halberstadensis, Gutharii Babenbergensis, Adalberonis VVurziburgens. Episcoporum, Ottonis Ducis, Bertoldi Ducis, Ottonis Marchionis, Fritherici Comitis Palatini, Eckiberti Comitis, consentire decernentes; remunerantes quoque prædicti Archiepiscopi iuge seruitium quod patri nostro, & nobis incessibili devotione exhibuit, eundem Comitis prænominati comitatum in pagis Emisgoa, VVestfala, & Angeri situm, cum universis appendicijs ejusdem Comitis beneficia respicientibus, hoc est, utriusq; sexus mancipijs, arvis, edificijs, agris, pratis, pascuis, terris cultis, & incultis, aquis, aquarum decursibus, molis, molendinis, piscationibus, exitibus & redditibus, viis & in viis, quasitis & inquirendis, mercatis, monetis, theloniis, forstium etiam cum nostro banno regali per omnem comitatum, hiis tantum venationibus exceptis, quas nos aut prædecessores nostri, Romanorum scilicet Imperatores, vel Fran-

Francorum Reges, Ecclesis vel Principibus per regij aucto-
 ritatem precepti largiendo contulimus, sanctæ Hammabur-
 gensi Ecclesie pro nostræ ut diximus nostriq; progenitoris ani-
 mæ remedio, perpetuo jure possidendum, omni præsentium
 vel succedentium contradictione remota, in proprium tradi-
 dimus, atque donavimus. Confirmamus igitur munificentia
 regia eidem Ecclesie libertatem per omnia retinendam, &
 bona omnia quæ à Carolo Magno prædecessores nostri,
 Romanorum siquidem Imperatores, vel Francorum Re-
 ges usque ad tempora nostra prænominatæ Ecclesie concess-
 runt, & nos habendum ei omni tempore, atque jure perpetuo
 possidendum, per nostri precepti paginam concedimus, omni
 nostra & nostrorum successorum, cunctorumque mortalium
 minorum vel majorum inquietatione remota. Parochias
 scilicet, decimas, terras cultas, & incultas, comitatus, mer-
 catos, monetas, thelonea, foresta, cum omni utilitate, quæ
 describi vel quoquomodo inde provenire poterit. Et ut hæc
 nostra regalis traditio stabilis & inconvulsa per succedentium
 momenta temporum permaneat, hanc chartam inde conscri-
 ptam, manu propria, ut infra videtur, corroborantes, sigilli
 nostri impressione jussimus insigniri. Data IX. Kalend. No-
 vembris, Anno Dominicæ incarnationis M. LXXII. Indicti-
 one II. Anno autem ordinationis Domini Heinrici quarti
 Regis VIII. regni verò VI. Actum Ratisbonæ in Dei nomi-
 ne feliciter, Amen.

DIPLO.